




Lxxxix. h. 5



John Carter Brown
Library
Brown University



V. ag. #102

La Vega, Cuba

1st piece Sabon 39141
2nd piece Found from #1
Found from 4568

HVEI

TLAMAHVICOLTICA
OMONEXITI IN ILHVICAC TLATÓCA
ÇIHVAPILLI

SANTA MARIA
TOTLACONANTZIN
GVADALVPE IN NICAN HVEI ALTEPE-
NAHVAC MEXICO ITOCAYÖCAN TEPEYACAC.



—[*]—[*]—[*]—[*]—[*]—

Impresso con licencia en MEXICO: en la Imprenta de Iuan Ruyz.

Año de 1649.

H V E I

THE UNIVERSITY OF
THE STATE OF NEW YORK

SANITARY
INSTITUTION
OF THE STATE OF NEW YORK



— 18 —

THE UNIVERSITY OF THE STATE OF NEW YORK
SANITARY INSTITUTION

PARECER DELA BALTHASAR GONÇALEZ
de la Compañia de IESVS.



OR mandado del Señor Doctor Don Pedro de Barrientos Lomelin Comisario del Tribunal de la Santa Cruzada, Tesorero desta Santa Cathedral de Mexico, Prouisor, y Vicario General de su Arçobispado: he visto la milagrosa aparicion de la Imagen de la Virgen Santif-

lima Madre de Dios, y Señora Nuestra (q se venera en su Hermita, y Santuario de Guadalupe.) que en proprio, y elegante Idioma Mexicano, pretende dar à la Imprenta el Bachiller Luys Lasso de la Vega, Capellan, y Vicario de dicho Santuario. Hallo està ajustada à lo que por tradicion, y anales se sabe del hecho, y por que ferà muy vtil, y prouechosa para auuiar la deuocion en los tibios, y engendrarla de nuevo en los que ignorantes viuen del misterioso origen deste celestial retrato de la Reyna del cielo, y porque no hallo cosa que se oponga à la verdad, y misterios de nuestra Santa Fee, merece el encendido, y affectuoso zelo, al mayor culto, y veneracion del Santuario que es à su cargo del autor, se le dè la licencia que pide: assi lo siento, y lo firmè de mi nombre en este Seminario de Naturales del Señor San Gregorio, en 9. de Enero de 1649. Años.

Balthasar Gonzalez;



es le. Libro es am de m' boston
Mathew
17 de 3 de 17


L I C E N C I A.



N LA CIUDAD DE MEXICO A
 onze de Enero de mil y seiscientos y quaren-
 ta y nueve años. El Señor Doctor D. Pedro
 de Barrientos Lomelin, Tesorero en la San-
 ta Iglesia Cathedral desta Ciudad, Prouisor,
 y Vicario General de este Arçobispado, &c. Auiendo vi-
 sto el parecer del Padre Balthasar Gonçalez de la Compañia
 de IESVS, que es el de la foxa antes desta, y lo pedido
 por el Licenciado Luys Lasso de la Vega, Cura Vicario de
 la Hermita de Nuestra Señora de Guadalupe, extramuros
 desta dicha Ciudad: Dixo que daua, y diò licencia à qual-
 quiera de los Impressores della, para que puedan impre-
 mir el tratado de la Historia, y origen de la Santa Ima-
 gen de Nuestra Señora de Guadalupe, en lengua Mexicana,
 y así lo proueyò, y firmò.

Doñlor Don Pedro de Barrientos.

Ante mi Francisco de Bermeo, Notario Publico.



ILHVICAC TLATÓCA

ÇIHVAPILLÉ, ÇEMIHCAC IÇHPOCHTZINTLÉ

in ti Tlaçomahuiz Nantzin in Dios.

[*]

MAÇIHVI cāmo nolhuil āmo nomācehual inic nonecui-
tlahuil mochiuh inmo Teopantzin, in motlaçō Caltzin in
oncan tiçtomahuiztililiticate izçenquizca mahuiztililoni,
in mixiptlatzin, ca ye oticmottilitzino inic onimitznomaquili, on-
mitznohuenchihuilili in noyollo niman iniquac onōcalaquico in
motlaçōchantzinco. Auh inic çenca noconelehua, noçenyolloica
nic nemilia, in motequipanolocatzin, in mōmahuiiztililocatzin, ca te-
pitzin ic nocon nextia in onōcontilan, onōconicuilō nahuatlātol-
copa in motlamahuizoltzin: macamo quen xicmochihui inmixtzin,
in moyeyollōtzin, çayē xicmopaccaçelili inic nomaçehuallātolli.
ca oc hualca oticmochihui in mōretlaçōtlalitzin inic itlatolcopa
oticmonochili, oticmōnotzaltitzino inicno maçehualtzintli initech
itilmātzin, çayatzin xochahuiaçatlapallotica, otimōcopintzino, ori-
micuiloitzino, inic āmo mitzmotlānehuiliz, yequēne inic quicaquiz,
quimoyollōtzin in miyōtzin, in motlānequilitzin: Auh inic tiuhca-
ztintli nimitznottilia in cāmo ticmotlāyel itilia in nepapan tlaca
intlātol, in yetiquinmōnotzaltitzino, auh ca çenca ic otiquinmoyol-
lapanili inic omitzmiximachilique, omitz motepanlatōcatitzino que
izçennohuian tlalticpac: Ca ye yēhuatl inonech yoleuh, inonech yol-
chicauh inic nahuatlātolcopa onōcon icuilo in çenca huei motla-
mahuizoltzin inic otimoteittititzino, ibuan inic oticmotemaquilitia
inmixiptlatzin in nicā motlaçōchantzinco Tepeyacac ma oncā quit-
tacan in maçehualtzintzin, ma intlātollica quimatican inixquich
inimpanpa oticmochihui motetlaçōtlalitzin, izçenca ic opoliuhca
in cahuitl inihcatiliz, ibuan inquenmochiuh. Auh ca ocno centla-
mantli inic oniyoleuh inic oniyolchicauh nahuatlātolcopa nocon
icuilo in motlamahuizoltzin, auh ca yēhuatl in quimittalhuizino
in motlaçōtzin in motetequipanōcatzin S. Buenaventura, ca in huei,
in mahuizauhqui, inhuēcapaniuhqui itlamahuizoltzin to Tecuiyo
Dios, nepapan tlātollica inmicuilo inquitazque, iniquimahuiz-
gozq̃ inixquichtrin nepapan tlalticpactlaca, Iniuh mochiuh iniquac
quauh-

Ioā
cap.
D. Be
vêt. li
theol
verit
cap.
tom.


quauhnepanoltitech momiquiltizino in motlaçòconetzin, ca iquac-
paetzinco ètlamàtlàtolteca huapaltitech omìcuilo initzontequil ilo-
catzin, inic quitzazq̃, quimahuicozq̃ nepapà tlàtolteca innepapà tlaca
izgenquizcahuei, izçequizca huècapaniuhqui, mahuicołoni itetlaçò-
tlaltzin inic Cruztitech imiquizticatzinco oquinmomaquixtili iz-
çemanahuac tlaca. Auh ca no cenca huey, cenca huècapaniuhqui,
cenca mahuicołoni in mixiptlatzin in huelèhuatzin momaticatzin-
co oticmotlapalaquili, oticmìcuilhui initechpatzinco ticmonequil-
titzino a titotzàtzililique intimopilhuantiztin, ilhuice in nican
tlaca maçehualtitzintin in otiquinmottititzino. Ic ipampa ma ne-
papan tlàtolteca mìcuilo inic mochtin in nepapan tlàtolteca mo-
notza quitzazque, quimatizque in momahuizçortzin, ihuan in çenca
huey motlamahuicołtzin in in pampa oticmochihuili.

Auh in tla nelli iuhqui, ca notehuan rèhuatzin in tloc, in na-
huac tìmehuiltitica, in itlamachtititzin huan in motlaçòconetzin
in iquac impantzinco ohuالمهuititzino in Espiritu santo, iniuh-
quin tlexoch nenepiltzintli ohuالمocueprzinòtia inic çege me quin-
motlaçòmacatzinoc, inic oquinmomachtli, inic oquinmaquili in
ixquich in nepapan tlàtolli inicçen nohuan cemanahuac omote-
machtilito, oquimotecaquitzilito in ixquich in itlamahuicołtzin in
oquimochihuili in motlaçòconetzin auh ca tehuatzin otiquinmo-
yollalitica, otiquinmoyolchicahuilitica in iquac on; auh in
motlatlanilitzin, in monemaçohualitzin, in motlatlatlautilitzin
ca icoticmìcuiltili, ca ic oticmonochilitzino in in pantzinco ohual-
mehuititzino in teotl Dios Espiritu santo, in huel mopampatzinco
oquinmomacatzinoc. Ma çan noiuhcatzintli inic nopan ximehui-
titzino ma nomàçehualti ini tlexoch nenepiltzin inic nocontlanaz
nahuatlàtolcopa in çenca huei in motlamahuicołtzin inic otiquin-
mottititzino icnomaçehualtitzintin, yequene inic çenca huey tla-
mahuicołteca otiquinmomaquilitia in mixiptlayotzin, auh in tla mo-
tepalehuilziticatzinco itlà ononhuellit ca maxcatzin, ca motlatqui-
tzin, ma xicmopaccacelili. Auh ca çan ixquich in, inic ye mocxi-
tlantzinco nonnotlalchitlaça in nimocnomaçehualtzin.

Bachiller Luys Lasso de la Vega.



Aparición De la imagen de nuestra S^a / D
guadalupe de Mexico





N I C A N
 M O P O H V A,
 M O T E C P A N A I N Q V E N I N
 Y A N C V I C A N H V B I T L A M A H V I Ç O L T I C A
 M O N E X I T I I N Ç E N Q V I Z C A I C H P O C H T L I
 S A N C T A M A R I A D I O S Y N A N T Z I N T O Ç I
 H V A P I L L A T O C A T Z I N , I N O N C A N
 T E P E Y A C A C M O T E N E H V A
 G V A D A L V P E .

Acattopa quimottititzino çe

maçehualtzintli itoca Iuan Diego; Auh çatepan monexiti in itlaço Ixiptlatzin ynixpan yancuican Obispo D. Fray Iuan de Sumarraga. Ihuan inixquich tlama-huiçolli ye quimochihuilia.



E iuh matlac xihuitl in opehualoc in atl in tepetl Mèxico, yn ye omoman in miel, in chimalli, in ye nohuian ontlamatcamani in ahuaçan, intepe-huaçan; in macaçan ye opeuh; y exotla, ye cueponi intlan el toquiliztli, in iximachocatzin in ipal nemohuani

nelli Teotl DIOS. In huel iquac in ipan Xihuitl mill y quinientos, y treinta y vno, quiniuh iquez quilhuic in metztli Diziembre mochiuh oncatca çe maçehual-
 A tztintli,

tzintli, icnotlàpaltzintli itoca catca Iuan Diego, iuh mì-
toa ompa chane catca in Quauhtitlan, auh inica Teoyotl
oc mochompa pohuia in Tlatilolco, auh Sabado catca
huel oc yohuatzinco, qui hual tepotztocaya in Teoyotl,
yhuan ininetititlaniz; auh in àçico ininahuac tepetzin-
tli initocayòcan Tepeyacac yerlatlalchipahua, concac
inicipac tepetzintli cuicoa, yuhquin nepapan tlaçototo-
mecuica, cacahuani inintozqui, iuhquin quinànanquìlia
Tepetl, huelçenca teyolquimà, tehuellamachtì inin cuic,
quiçenpanahua in coyoltototl, intzinitzcan, ihuan yn-
ocçequin tlaçototome ic cuica: quimortz timoquetz in
Iuan Diego quimòhui cuix nolhuil, cuix nomàçehual in-
yeniccaqui? àço çannictemiqui? àço çanniccochitlehua,
canin yenicà, canin yeninotta, cuix yeoncan in inquito-
tehuaque huehuetque tachtohuan, tocòcolhuan inxochi-
tlalpan intonacatlalpan? cuix yeoncan in inilhuicatlal-
pan? ompa on itzticaya inicipac tepetzintli intonatiuh
iquçayanpa in ompa hualquiztia inilhuica tlaçòcuicatl.
auh inoyuh çeuhtiquiz in cuicatl in omocàtimoman in
yè equicaqui hualnotzalo inicipac tepetzintli, quilhuia
Iuantzin Iuan Diegotzin; niman çayeòmotlapaloa inic
ompa yaz incanin notzalo, àquen mochihua yni yollo,
manoçe itla ic miçahua, yeçe huel paqui mohuella-
machtia, qui tlècahuia intepetzintli, ompa itzta incàpa
hualnotzalo, auh inye àçitiuh inicipac tepetzintli, inye
oquimottili çe çihuapilli oncan moquetzinòticac, qui-
hualmonochili inic onyaz ininahuactzinco; auh in oyuh
àçito inixpantzinco, cenca quimomahuicahui inquenin
huellaçenpanahua inieçenquizeca mahuitzicatzintli, ini-
elaquentzin iuhquin tonatiuh icmotonameyotia inipe-
petlaca; auh intetl, intexcalli inic itechmoquetza, inic qui-
mina ini tlanexyotzin yuhqui intlaçò chalchihuitl, ma-
quiztli; inic neci yuhquin ayauh coçamalocuecuyoca
in

inelalli; auh inimizquitl, ynnòpalli, ihuan occequi nepa,
 panxihtotontin oncan mochichihuani yuhquin quetza-
 litzli, yuhqui inteoxihuitl ini atlapallo icneci; auh ini
 quauhyo, ini huitzyo, ini àhuayo yuhqui incoztic teocui-
 tlatl icpepetlaca. Ixpâtzinco mopechtecac, quicac iniyo-
 tzin, ini tlàtoltzin inhuelçenca tehuellamachti, inhueltec-
 piltic yuhqui inquimoçõgonahuilia, quimotlatlaçotilia,
 quimolhuili, tlaxiccaqui no xocoyouh Iuantzin campa
 intimohuica: auh inyèhuatl quimonanquilili Notecuiyoe,
 Çihuapille Nochpochtzinè ca ompa nonàçiz mochan-
 tzinco Mexico Tlatilolco, nocon tepotztoca inteoyotl,
 intechmomaquilia, intechmomachtilia inixiptlahuan in-
 tlaçatl inTotecuiyo, intoteopixcahuan. Niman yeic qui-
 mononochilia, quimixpatilia inirlaçõtlanequiliztzin, qui-
 molhuilia, Maxicmati, mahuelyuhye inmoyollo no xo-
 coyouh canèhuatl inniçèquizca çemicac ichpochtili Sanc-
 ta Maria inninantzin inhuelnelli Teotl Dios inipalnemo-
 huani, inteoyocoyani, in Tloque Nahuague, in Ilhuicahua
 in Tlalticpaque, huelnicnequi, cenca niquelehua inic
 nican nechquechilizque noteocaltzin inoncan nic nex-
 tiz, niepantlaçaz, niçtemacaz in ixquich notetlaçõtla-
 liz, noteicnoytraliz, innotepalehuiliz, innotemanahuiliz
 canel nèhuatl in na moicnohuàcanantzin intèhuatl ihuan
 in ixquichtin inic nican tlalpan ançepantlaca, ihuan in
 occequin nepapantlaca notetlaçõtlaçahuan in notechmo-
 tzatzilia, innech tèmoa innotech motemachilia, ca on-
 can niquincaquiliz inin choquiz, inin tlaocol inic nicyec-
 tiliz, nie pàtiz inixquich nepapan in netoliniliz, into-
 nehuitz, in chichinaquiliz. Auh inic huelneltriz in nie ne-
 milia in innoteicno ytraliz ma xiauh in ompa ini tecpà-
 chan in Mexico Obispo, auhtiquilhuiz inquenin nèhua
 nimitztitlani inic ticypantiz inquenin huelçenca nie-
 lehuia inic ma nican nechcaltz, nechquechili inipan in

tlalmantli no teocal; huelmoch ticpohuiliz inixquich in
otiquittac, oticmahuiçò, ihuan intlein oticcac; auh ma
yuhye inmoyollo cahuel niçlaçòcamatiz, auh caniquix-
tlahuaz, ca ic nimitz cuiltonoz, nimitz tlamachtiz, y huà
miec oncan ticmaçehual ic nicquepcay otiz ynmociahui-
liz inmotlatequipanoliz inic ricnemilitiuh intlein ic ni-
mitztitlan: òcaye oticcac noxocoyouh ynniyo innotlà-
tol ma ximohuicatiuh ma ixquich mo tlàpal xicmoçi-
huili. Auh niman ic ixpantzinco onmo pechtecac qui-
molhuili no tecuiyòè, Çihuapillè caye ni yauh innic nel-
tiliz, inmiyòrtzin, inmotlàtoltzin, ma onnimitznotlal-
cahuili innimocno maçehual. Niman ic hualcemoc inic
quineltitliriuh ini netitlaniz connamiquico incuep òtli
huallamelahua Mexico.

In o àcico itic altepetl, niman ic tlamelauh ini Tec-
pan chantzinco Obispo inhuelyancuican hualmohuicac
Teopixca tlàtohuani itocatzin catca, D. Fray Iuan de Su-
marraga S. Francisco Teopixqui. Auh in o àcico niman
ic moyèyecoa inic quimottiliz, quànlatlauhtia initerla-
yecołticahuan, inittlannencahuan inic conittotihue, ye-
achi huècauhtica inconnotzaco, in ye omotlanahuatili in
Tlàtohuani Obispo inic calaquiz. Auh inoncalac niman
ixpantzinco motlanquaquetz, mopechtecac, niman ye
ic quimixpantilia quimopohuililia ynnyotzin ynittlàtol-
tzin ilhuicac Çihuapilli, ini netitlaniz: no ihuan quimol-
huilia inixquich oquimahuiçò, in oquittac, in oquicac.
Auh in oquicac inmochi itlatol, inetitlaniz iuhquin àmo
çenca monelchiuhtzino, quimonanquilili, quimolhuili
nopiltzè ma ocçepa tihuallaz, oc ihuan nimitzcaquiz,
hueloc itzinècan niquittaz, nic nemiliz intlein ic otì-
hualla inmotlanequiliz, inmotlaelehuiliz. Hualquiz-
tlaoxotihuitz, inic àmo nimam oneltic ininetitlaniz.

Niman hualmoquep izça ye àquac ipan çemilhuil,
niman

niman oncā huallamelauh inicipac repetzintli, auh ipan-
 tzinco açito in ihuicac Çihuapilli izçan ye oncan inca-
 nin açattopa quimottili, quimochialitica; auh in oih-
 quimottili ixpantzinco mopechtecac motlalchitlaz qui-
 molhuili, notecuiyoè, tlacatlè, Çihuapillè, no xocoyohuè,
 Nochpochtzinè caonihuia in ompa otinech motitlanili,
 ca onic neltilito in miyotzin in motlàtoltzin macihui
 in ohuithuitica in onicalac in ompa iyeyan teopixca Tlà-
 tohuani, ca oniquittac, ca dixpan niclali in miyotzin,
 in motlàtoltzin in yuh otinech monànahuatili, onech-
 pacca celì auh õquiyec cac, yece inic onech nanquili, yuh-
 quin àmo iyollo àmàcic, àmo monelchihua, onechilhui
 occeppa tihuallaz, oc ihuiyan nimitzcaquiz, hueloc itzi-
 nècan niquittaz intlein ic otihualla motlayelehuiliz, mo-
 tlanequiliz. Huelitech oniquitrac inyuh onech nanquili
 camomati in moteocaltzin ticmonequiltia mitzmò chi-
 huililizq nican aço çan nèhuatl nic yòyocoya, açaçomo
 motencopatzinco, açenca nimitz notlatlauhtilia notecui-
 yoè, Çihuapillè Nochpochtzinè manoçoàca çeme intlaço-
 pipiltin in iximacho, in ixtilò, in mahuitilò itech xicmo-
 cahuili inquitquiz, yn quihuicaz in miyotzin, yn mo-
 tlàtoltzin, inic neltocoz, canel nic notlapaltzintli, cani
 mecapalli, cani cacaxtli, cani cuilapalli, canatlapalli, ca-
 nitco nicà nimamaloni, càmò no nènemian, càmò none-
 quetzayan in ompa tinech mihualia Nochpochtzinè, No
 xocoyohuè, Tlacatlè, Çihuapillè, ma xinech motlapopol-
 huili nic tequipachoz in mixtzin, in moyollotzin, ipan
 niyaz, ipan nibuetziz in moçomaltzin, in moqualantzin
 Tlacatlè Notecuiyoè. Quimonanquilili izçenquizca ma-
 huiz ichpochtzintli tlaxiccaqui no xocoyouh mahuel-
 inhye in moyollo càmò tlaçotin in notetlayecolticahuan,
 in notitlanhuan, in huel intech nic cahuaz inquitquizq
 in niyo, in notlàtol, in quineltizque in notlanequiliz;
 yece

yece huel iuhmonequi inic hueltehuatl ic tinemiz, ipan
 titlatoz, huelmomatica neltiz mochihuaz, innoçializ,
 innotlanequiliz; auh huelnimitz tlatlauhtia no xoco-
 youh, yhuan nimitztlaquauh nahuatia cahuel ocçepa
 tiaz in moztla tiquittatiah in Obispo auh nopampa xic
 nemachti, huel yuh xic caquiti innoçializ, innotlanequi-
 liz, inic quineltiliz inquichihuaz notedcal niquitlanilia,
 yhuanhuelocceppa xiquilhui inquenin huelnèhuatl ni
 cemicac ichpochtli Santa Maria in ninantzin Teotl Dios
 in ompa nimitztitlani. Auh in Iuan Diego quimonanqui-
 lili, quimolhuili notecuiyè, Çihuapillè, Nochpochtzinè
 macamo nic tequipacho in mixtzin, in moyollotzin ca
 huelnoçenyollocacopa nonyaz noconneltilitiuh inniyo-
 tzin inmotlàoltzin caniman àmo nic nocacahualtia, ma-
 noce nic tecococamati in otli canon yaz canoconchihua-
 tiuh in motlanequiliztzin, çan huelye in açocàmo ni-
 yeccacòz; inlanoce yeonicacoc açacommo nineltocoz,
 ca tel moztla ye teotlac inye oncalaqui tonatiuh, nic
 cuepaquiah inniyoztzin inmotlàoltzin inlein ic nech-
 nanquiliz in Teopixcatlatohuani, caye nimitz notlalca-
 huilia no xocoyohuè, Nochpochtzinè tlacatlè, Çihuapillè,
 ma oc ximoçehuiztino, niman ic ya inichan moçehuito.
 Auh inmoztlayoc Domingo huel oc yohuatzinco
 tlàtlayohuatoc ompahualquiz inichan huallamelauh in
 Tlatilolco, quimattihuitz in Teoyotl, ihuan inic tèpo-
 hualoz: nimanyè inicquittaz Teopixca tlàtohuani; auh
 aço yeipan mādlaçli hora ināneçencahualoc inic omocac
 Miſſa, ihuan orepoſhualoc ic hual xin inichquich maç-
 hualli; auh in yèhuatl Iuan Diego niman ic yā ini tec-
 panchantzinco in Tlàtohuani Obispo, auh in ācito ix-
 quichitlāpal quichih inic quimortiliz, auh huel ohu-
 tica in ocçepa quimortili, icxitlantzinco motlanqua-
 quetz, choca, tlacoya iniquimononochilia, iniquimix-
 panti.

pantililia inityctzin, in itlàtolitzin in ilhuicac cihuapilli,
 inic àço çanen neltocoz ini netitlaniz ini tlanequiliztzin
 çenquizca ichpochtli, inic quimochihuilizque, inic
 quimo quechilizque initedcaltzin incanin omotlatene-
 huili incanin quimonequiltia. Auh in Tlatohuani Obis-
 po huel miac tlamanli inic quitlàtlan, quitlatemoli, inic
 huel iyollomàciz, campa in quimottili, quenamècatzin.
 tli huel moch quimopohuilili in Tlatohuani Obispo. Auh
 maçihui in huel moch quimo melahuilili in yuhcatzintli,
 ihuan in ixquich oquittac, oquimahuiçò in cahuel yuh neci
 ca yèhuatzin iz çenquizca Ichpochtintli ini tlaçòma-
 huiz nanzin in toTemaquixticatzin to Tecuiyolefu Chris-
 to; yece àmo niman ic omonelchihuh quitto ca àmo çan
 ica itlàtol, itlàtlaniliz mochihuaz moneltiliz in tlein qui-
 tlan, cahuel oc itlàinezca monequi inic huel neltocoz
 in quenin huel yèhuatzin quimotitlanilia in ilhuicac Ci-
 huapilli. Auh in ò yuh quicac in Iuan Diego quimolhuili
 in Obispo tlatclè, tlatohuanie maxic mortili catlèhuatl-
 yez ininezca ticmìtlanililia, caniman niyaz nic nìtlan-
 lilitiuh in ilhuicac cihuapilli onech hualmotitlanili. Auh
 in ò quittac in Obispo cahuel monelchihua caniman àtle
 ic meeltia, motzotzona niman ic quihua. Auh in
 yehuitz niman ic quimonahuatili quez qui in ichan tlaça,
 in huel intech motlacanequi, quihual tepotztocazque,
 huel quipìpiatzque campa in yauh, ihuan aquin con itta,
 con notzà. Tel iuh mochiuh auh in Iuan Diego niman
 ic huallamelauh, quitocac in cuepòtli, auh in quihual te-
 potztocaya oncan atlauhtli quica inahuac tepeyacac
 quauh pantitlan quipoloco, manelocnohuian tlatemòque
 aaccan quittaque, çanyuh hualmoquepqùè, àmo çaniyo
 inic omoxixiuh tlatito, no ihuan ic oquimeelti, oquin-
 qualancacuiti: yuhqui nonorzato in Tlatohuani Obispo,
 quitlahuella lili que inic àmo quineltocaz, quilhuiç inic
 çan

can conmoztlacahuilia, can quipipiqui in tleinquihual-
molhuilia, anoge can oqu? temic, can oqu? cochitlenh
intlein quimolhuilia, intlein quimtlanililia; auh huel-
yuh quimolhuique intla occeppa huallaz, moeuepaz, on-
can quitzitzquizque, ihuan chicahuac qui clatzacuilitz-
que inie aocmo ceppa iztlacatz, requamanaz.

Inimoztlayoc Lunes iniquac qui huicazquia in Iuan
Diego in itla inezca inie neltocoz, aocmo ohualmoeuep-
yeica iniquac açito inichan ge itla catea itoca Iuan Ber-
nardino oitech mortali in cocoliztli, huel tlanauhiloc, oc
quitzi nohilito, oc ipan tlato, yece aocmo in man ye-
huelotlanauh: auh in yeyohuac quitlatlauhti in Tla in
oc yohuatzinco, otlatlayohuatoc hual quicaz, quimo-
nohiliquih in oncan Tlatilolco çemein teopixque inie
mohuicaz, quimoyolcuiltitih, ihuan quimocencahui-
litih, ye ica cahueliyuhca ini yallo caye in man, caye
oncan inie miquiz ca aoc mehuaz aocmo patiz.

Auh in Martes huel oc tlätlayohuatoc in ompahual-
quiz ichan in Iuan Diego in quimonochiliz teopixqui in
ompa Tlatilolco, auh in ye açitihuitz inahuac tepetzin-
tli tepeyacac inie xitlan quitzica otli tonatiuh italaquian-
pa in oncan yeppa quicani, quito intlaçan nie melahua
otli manen nech hualmottilitiz çihuapilli ca yeppa nech
mottizcalhuiz inie nie huiquiliz tlanez cayotl in teopixca
tlätöhuani inyuh onech monànahuatili; maottechcahua
in tonetequipachol, maoc nie no nohilicihuetzi in teo-
pixqui motolinia in notlätzin amo çaquimochialitoc. Ni-
man id contlacolhui in tepetl itzallan onileoc yenepa
centlapal Tonatiuh y quicayanpa quicato inie çihuica
açitih Mexico inie amo quimortizcalhuiz in ihuicac
çihuapilli in momati ca in ompa ie otlacolo ca ahuelqui-
mottiliz, in huelnohuampa mottiztica: Quittac quen in
hualmoremohui icpac in tepetzintli ompahualmottiz-
litoc

litoc in ompa yeppa con mottilliani, con monamiquilico
 in inacaztlan tepetl, con moyacatzacuililico, quimolhuili.
 Auh noxocoyouh, campa in tiyah? campa intirtziuh?
 Auh in yehuatl cuix achi ic mellelmā? cuix noçe pina-
 huac? cuix noçe ic micahui, momauhti? ixpantzinco
 mopechtecac, quimotlāpalhui, quimolhuili, nochpoch-
 tzinē, noxocoyohuē, Cihuapillē maximopaquilitic, quen
 otimixtonalti? cuix ticimohuelmachitia in motlaçonaca
 yotzin no Tecuiyōē, nopiltzintzinē; nictequipachoz in
 mixtzin in moyollōtzin, ma xic momachilitzino noch-
 pochtzinē, ca huellanauhtoc çe momaçehualtz in no Tla-
 huei cocoliztli initech omotlali ca yeppa ic momiquiliz,
 auh oc noniciuhtih in mochantzinco Mexico no conno-
 nochiliz çemē in itlaçōhuan to Tecuiyo into Teopixcahuā,
 conmo yolcuilitih, ihuā conmo çencahuilitih, canel
 yē in ic otitlacatque, intic chiacō intomiquiztequih, Auh
 intla onōcon neltilito, caniman nican occeppa nihualno-
 cuepaz, inje non yaz noconitquiz, in miyotzin in mo-
 tlātoltzin Tlacatlē, Nochpochtzinē, maxinech motlapo-
 polhuili, maoc ixquich ica xinech mopaccayohuilti cāmo
 ic nimitz noquelhuia, no xocoyohuē, nopiltzintzinē, ca
 niman moztla niquiztihuetziquih. Auh in oyuhqui-
 mocaquiti itlātōl in Iuan Diego quimōnanquih in ie-
 nohuāçenquizca ichpochtztintli. Maxicçaqui ma huel-
 yuh ye in moyollo noxocoyouh in acatletlein mitzmauh-
 ti, mitztequipacho, macamo quen mochihua in mix in
 moyollo, macamo xiquimacaci in cocoliztli, manōçe oc
 itlā cocoliztli, cococ teōpouliqui, cuix amo nican nicā
 nimo Nantz in? cuix amo noçehuallotitlan, nēcauhyoti-
 tlan in ticā? cuix amo nēhuatl in nimopaccayeliz? cuix
 amo nocuixanco, nomanalhuazco inticā? cuix oc itlā
 in motech monequi? macamo oc itlā mitztequipacho,
 mitz àmana, macamo mitztequipacho in cocoliz moTlā-

tzin càmò ic miquitz in axcan itechca ; ma huel yuh ye
in moyollo ca yeopàtic : (Auh ca niman huel iquac pà-
tic ini Tlàtzin in iuh çatepan machiztic.) Auh in Iuan
Diego in oyuh quicac in iiyorzin, in iùlòltzin in iihuicac
Çihuapilli, huel cenca ic omoyollali, huel ic pachiu in i-
yollo. Auh quimotlatlauhtili in ic maçayè quimotitla-
nili in ic quittatiuh in Tlàtohuani Obispo in quitqui-
liz itlà inezca, ini neltica, in ic quineltoçaz. Auh in il-
huicac Çihuapilli niman ic quimonahuatili, in ic ontè-
coz in icpac tepetzintli, in oncan canin yeppa conmot-
tiliaya; quimolhuili xiclèco noxocoyouh in icpac in te-
petzintli, auh in canin otinech ittac, ihuan onimitznàna-
huati oncan tiquittaz onoc nepapan xochitl, xic tètèqui,
xic nechico, xic çentlali, niman xic hualtemohui, nican
nixpan xic hualhuica. Auh in Iuan Diego niman ic qui-
tlècahui in tepetzintli, auh in oàcito icpac, çenca quima-
huicò in ix quich onoc, xotlatoc, cuepontoc in nepapan
Caxtillan tlaçòxochitl, in ayamo imochiuhyan; ca nel huel
iquac in motlàpaltilia izçetl : huel çenca àhuiaxtoc, iuh-
qui in tlaçò epyollòtli in ic yohual àhuachyòtoc; niman ic
peuh in quitètèqui, huel moch quinechico, quicuixanten.
Auh in oncan icpac tepetzintli ca niman àtle xochitl in i-
mochiuhyan, catexcalla, netzolla, huihuittla, nòpalla,
mizquitla; auh in tla xiuhtotontin mochichihuani in iquac
in ipan metztli Diziembre ca moch qui quà, qui pòpolo-
hua izçetl. Auh ca niman ic hualtemoc, quihualmotqui-
lil in iihuicac Çihuapilli in nepapan xochitl oquitètèqui-
to, auh in oyuh quimottili imaticatzinco conmotcuili;
niman ye ocçepa icuexanco quihualmotemili, quimol-
huili, noxocoyouh in in nepapan xochitl yèhuatl in tlanel-
tiliz, in nezçayotl in tic huiquiliz in Obispo, nòpampa ti-
quilhuiz ma ic quitta in notlanequiliz, ihuà ic quineltiliz
in notlanequiliz, in nòçializ. Auh in tèhuatl in tinotitlan

ca huel motech nerlacaneconi; auh huel nimitztlaquauh
 nahuatia çan huel icel ixpan Obispo tic çohuaz in motil-
 mà, ihuan tic nextiliz inle in tic huica; auh huel moch
 ticpohuiliz, tiqulhuiz inquenin onimitznahuat; inic ti
 tlècoz inicpac tepetzintli inic tètèquitih: Xochitl; ihuà
 inixquich otiquittac, otic mahuiçò, inic huel tic yollòye,
 huaz in Teopixca Tlàtohuani; inic niman ipan tlàtoz inic
 mochihuaz, moquetzaz in no Tedcal oniquitlanili. Auh
 in ocòmonànahuatili in ilhuicac çihuapilli quihualtocac
 in cuepòtli Mexico huallamelahua, ye paçihuitz, yelyuh
 yetihuitz in yollo ca, yecquiçaquih, qui yec itqiz, huel
 quimo cuitlahuitihuitz inle in icuixanco yetihuitz in-
 manen ilà quimacauh, quimo tlamachtitihuitz in àhuia-
 ca innepapan, tlaçò xochitl.

In o àçico itecpan çhan Obispo connamiquito in
 calpixcauh, ihuan occequin itlan nencahuan in tlàtoça
 Teopixqui, auh quintlatlauhti inic maquimolhuilican
 inquenin quimottiliznequi; yeco ayac cemè quinec, àmo
 conmo caccanèque, àço yè inic huel oc yohuatzinco; auh
 ànoce inic, yequiximatì, çaquintequipachoa inic inix-
 tlan pilcatinemì, yhuan yeoquin nonotzque inimic ni huà
 inqui polotò iniquac quitepotztocaque. Huel huècauh ti-
 ca inotlàtolchixticatca, auh inoquitraq yehuel huècauh-
 tica inoncanicac, motololeitac, tlatenmatticac in àço
 notzaloz, ihuan inihquinmà ilà quihual itqui qui cui-
 xanotìac; niman yeic itech on àçique inic quittilizque
 tlein quihuicatz inic in yollo pachihuiz. Auh inoquittac
 in Iuan Diego ca niman àhuel quintlatiliz inle in quihui-
 catz, ca ic quitolinìzque, quitotopehuazque noçe ic qui-
 mitizque, tepeton quihualnexti, ca xochitl; auh in yuh
 quittaque, camoch Caxtillan nepapan xochitl, ihuan in-
 càmò imochiuhyan iniquac, huel cenca qui mahuiçòque;
 ihuan inquenin huel cenca çeltic inic cueponqui, inic

ahuiyac, inic mahurztic: auh quelèhuique inic quezqui-
tel conanazq, quiquixtilizque; auh huel expa mochiuhq
inic motlà paloque concaizquia, niman ahuelmochiahq,
yeica iniquac qui quitzquizquia aoemo huel xochitl in-
quittaya çan iuhquimà tlàcuiloli, noce tlàmachtli, no-
cetlàtzonli initechquittaya Tilmàtli. Niman ic quimol-
huilito inTlàtohuani Obispo, inlelin oquittaque, ihuan
inquenin quimortiliznequi inmaçehualtzintli yeizqui-
pa huallalaah, ihuan in yehuel huecauh in yeicoço onca
tlarlàtol chixtoc, inic quimortiliznequi. Auh inTlà-
huani Obispo in oyuhquimocaquiti niman ipan ya ini
yollotzin ca yèhuatl ini neltica inic iyollotzin maçiz,
inic quimo neltiliz inlelin ic nemi tlacatzintli: niman
motlanahuatili inic niman calaquiz, quimortiliz; auh in
ocalac ixpantzinco mopechtecac inih yeppa quichi-
huani; auh occeppa quimotlapohuiliti in ixquich oquit-
tac, in oquimahuiçò, ihuan ini neticlaniz: quimolhuili
Notecuiyò Tlàtohuani caye onic chiah, caye onic nel-
tili in yuh otinech monahuatili, ca huelyuh onic nol-
huilito in tlacatl in no Tecuiyo inilhuicac Çihuapilli San-
ta MARIA in Teotl Dios itlaçonantzin, in ticmitlania
intlanezcayotl inic hueltinech moneltoquitiz, inic tic-
mochihuilitiz inTlècaltzin inoncan mitz mitlanilili,
ticmoquechiliz; auh cahuel yuh onic nolhuili, inonimitz-
nomaquili in notlàtol inic nimitz hualnohuiquililiz in
itlà inezca ini neltica initlanequiliztzin inic nomac otic-
mocaquili. Auh ca oquimohuelcaquiti in miyotzin, in
motlàtoletzin; auh oquimo pacaçelili in ticmitlania, in
itlà inezca ineltica inic mochihuaz, moneltiliz initlane-
quiliztzin: auh yè in in axcan oc yohuatzinco onechmo-
nahuatili inic occeppa nimitz nortiliquih; auh onic ni-
tlanilili in itlà inezca inic nineltocoz, in yuh onech mol-
huili nech momaquiliz; auh caçan niman oquimonelti-
lili,

7
 lili, auh onech mihuali inicpac tepetzintli incanin yepa
 pa noconhottilian inic ompa nictetequituh innepapan
 Caxtillan xochitl: auh in onictequito, onic hualnohuqui-
 lili in oncan tlatzintlan; auh ca imaticatzinco conmocui-
 li, oceppea no cuixanco oconhualmotemili inic nimitz-
 hualnotquililiz, inhueltèhuartz in nimitznomaquiliz ma-
 çihui incahuel nicmatia camo imochiuhyā xochitl inic-
 pac tepetzintli, ca çan tetexcalla, netzolla, huitz tlā teno-
 palla, mizquitlā amo ic oninotzorzon, amo ic nomeyol-
 loac innacito inicpac tepetzintli innitlachix ca ye xochi-
 tlalpan, oncan cenquiztoc inixquichnepapā tlaçò xochitl
 in Caxtillancayotl àhuach tonameyotoc inic niman onic
 tetequito. Auh onechimolhuili inic ipampa nimitznoma-
 quiliz; auh ca yeyuh nicneltilia inic oncan ticmottiliz in
 itla nezçayotl inticmiltanilia, inic ticmoreltiliz in itla-
 nequiliztzin; ihuan inic neci ca neltiliztli in notlatol, in
 nonetiltantz: ca izca ma xicmocelili; auh ca niman ic
 quihualçouh in iztac itilmā ic oqui cuixanoticaca xo-
 chitl; auh in yuh hualtepeuh inixquich nepapan Caxtil-
 lan xochitl, niman oncan momachioti, neztiqiz ini
 tlaçò ixiptlatzin izçenquizca ichpochtli Santa M A R I A
 Teotl Dios Inantzin inyuhcartzintli axcan moyetztica in
 oncan axcan mopixtz inotica in itlaçò çhantzinco ini Ted-
 caltzinco Tepeyacac motocayotia Guadalupe. Auh in-
 byuh quimottili in Tlàtohuani Obispo, ihuan in ixquich-
 tin oncan catca motlanquaquetzque çenca quimahuiçòç,
 quimotztimoquerzque, tlaocoxquè, moyoltoneuhquè,
 yuhquin àco yā inin yollo inin tlalnamiquiliz: auh in
 tlàtohuani Obispo choquiztica, tlaocoyaliztica quimo-
 tlatlauhtili, quimiltanilili ini tlapopolhuililoca, inic amo
 niman oquineltili, ini tlanequiliztzin ini iyotzin in itla-
 toltzin. Auh in omoquetz, quihualton ini quechtlan ic
 ilpiticatca ini tlaquen ini tilmā Iuan Diego initech omo-
 nexiti

nexiti inoncan omomachiotitzino inilhuicac Çihuapilli.
Auh niman ic quimo huiquil, ompa quimo tlatilico ini
neteochihuayan; auh oc oncā oçemilhuiti in Iuan Diego
inichantzincō Obispo oc quimotzicalhui, auh ini moz-
elayoc quilhui çaque inic tisteittitiz incanin itlanequi-
litzin ilhuicac Çihuapilli quimo quechilizque ini-
Tēdēcaltzin: niman ic tetlahuiloc inic mochiuaz mo-
quetzaz. Auh in Iuan Diego in oyuh qui te ititi in canin
quimonahuatili ilhuicac Çihuapilli mo quetzaz iTēdē-
caltzin nimā ic tenahuati in oc onāciznequi inichan inic
conittatiuh ini Tlātzin Iuan Bernardino inhuellanahtoc
iniquac qui hual cauhtehuac çeme quinotzazquia Teo-
pixque in oncā Tlatilolco inic quiyolcuitizquia, quiçen-
cahuazquia; in quimolhuili ilhuicac Çihuapilli in yeopā-
tic. Auh āmo çan içel quicauhque yaz, ca quihuicaque
in ompa inichan; auh ino yuh āçito quittaque ini Tlātzin
yehuel pactica niman ātle quicocōa, auh inyēhuatl cēca
quimahuiçō in quenin imach hualhuico, ihuan çenca ma-
huiztililo, qui tlātlani ini mach ileica inyuhqui chihua-
lo, in çenca mahuitzililo: auh in yēhuatl quilhui in quenin
iquac ompa hualehuac in qui nochilizquia teopixqui in
qui yolcuitiz, quiçencahuaz; inoncan tepeyacac quimotti-
litzino inilhuicac Çihuapilli; auh quimotitlan in ompa
Mexico in quittatiuh in tlātohuani Obispo inic oncā qui-
mo caltiliz in tepeyacac. Auh quimolhuili in maçamo mo-
tequipachō in ea yepactica; inic çenca moyollali: quilhui
ini Tlātzin cayenelli canimā iquac in quimopātili, yhuā
huel quimottili iz çan no huelye iuhcarzintli in iuh qui-
mottititzinoaya ini Mach; ihuan quimolhuili in quenin
yēhuatl oc oquimotitlanili Mexico in quittaz Obispo.
Auh mano iniquac yēhuatl quittatiuh mahuelmoch ic
quixpātiz quinotzaz in tlein oquittac, ihuan in quenin
tlamahuiçōtica oquimopātili: auh mahuel yuh quimo
tocayo.

tocayotiliz, mahuel yuh motocayotitzinoz izçenquizca
 ichpochtzinli Santa M A R I A de Guadalupe ini tlaçò.
 ixiptlatzin. Auh niman ic quihualhuicaque in Iuan Ber-
 nardino inixpan Tlàtohuani Obispo iniqui nonotzaco,
 inixpan tlaneltitico. Auh inehuan inimach Iuan Diego
 quin calloti inichan Obispo achi quezquilhuic in oc ix-
 quich ica mo querzino iTedcaltzin tlatoca Çihuapilli in
 oncan Tepeyacac in canin quimottitili in Iuan Diego.
 Auh in tlàtohuani Obispo quiquani ompa in Iglesia Ma-
 yor in tlaçò Ixiptlatzin in ilhuicac tlaçò Çihuapilli, qui
 hualmoquixtiti in ompa itecpan chan, ini neteochihua-
 yan mo yetzticac; inic mochi tlatatl quittaz, qui ma-
 huicoz ini tlaçò Ixiptlatzin. Auh huel çenmochi izçe-
 maltepetl olin, in quihualmottitliya, in quimahuicoaya
 in tlaçò ixiptlatzin, huallateomatia, quimo tlatlauhtilia-
 ya; çenca quimahuicoaya in quenin teotlamahuicoztica
 inic omonexiti, inic nimā mā aca tlatitpac tlatatl oqui-
 mēuillhui ini tlaçò ixiptlayotzin.

In tilmātzintli ineolol catca in Iuan Diego ini tech-
 tlamahuicoztica monexiti in ixiptlatzin ilhuicac Çihua-
 pilli ca Ayartzintli achi tlatitcatca, ihuan tlayec iqui-
 tilli yē ica ca iniquac in, in magehualtzitzintin mochtin
 ayatl inin tlaquen inin Neololtzincatca, çanyēhuantin in
 Pipiltin in Teteuctin, yhuan in yaotiacahuan in yaman-
 qui in ichca tilmātlī ic mochiçihuaaya, ic mololoaya
 in ayatl cayemomati ichtli ic mochiçihua, initech quica in
 mecl: auh inin tlaçò ayartzintli initech monexiti in çen-
 quizca ichpochtzinli, to çihuapillatōcatzin ca ozçoti-
 tica yamanca iepatl inic itzontica, inic çaliuhtica; auh
 inic quauhtic in tlaçò ixiptlayotzin initech ompehua
 ini xocpaltzin inic on āci iquayollorzinco quipia chi-
 quacemiztiti ihuan çe çihua iztiti; ini tlaçò xayacatz in
 çenquizca mahuitic, tecpiltic achi yayatit, ini tlaçò
 tlaç.

tlactzin inic monexitia moeno matcatzintli, t el pantzin-
co mo ma nepanotzinoticac, oncan hualpeutlica ini pi-
tzahuayantzincó : auh camo paltic ini nel priayatzin, can
iyo in yeccampa icxitzin tepiten iquac neci ini catzín
nextic : ini nechichihualtzin slaztalehualtic inic neçi
panipa; auh ini çeçehuallopan iuhquin chichiltic, inic ne-
papan xochitlârlamâcho, izquixochi miminqui : auh
nohuâ teocuitla tene, auh inic motzitzquitica ini quech-
tlantzincó teocuitla yahualli tlilhuahuanqui inic tenma-
laca chiuhti, a, inepantla câ Cruz. Auh ocno tlâtecpa hual
neci ocno çe itlaquentzin yamanqui iztac huel imâquech-
tlantzincó hual âaçitica, tenchayahuac. Auh in pani itla-
pachihueatzin ilhuica xoxiuhqui, huel iquapantzincó
onhualéhua, âtle ic quitlapachoa ini xayacatzin, huel ic-
xitlantzincó hualhuetzi achi nepantlâ ic mâpantzinoti-
ca : huel nohuân teocuitla tene, achi patlactic inic tene;
auh nohuân teocuitla çiçirlallo : auh in yemochintin
çiçirlactin ompohualtin on chiquaçeteme. Auh in itzon-
tecontzin ye iyeccan pantzincó inic mo tololtiticac; auh
icpantzincó manî teocuitla corona quaquahuitztic ipan
ini tlapachihueatzin. Auh icxitlantzincó ca in merztli
tlacpacpa inittitac ini quaquauh, huel inepantlâ in mo-
quetzinôrticac, auh no yuhneci huel no inepantlâ in to-
natiuh inic quimotôquiliticac ini tonameyo nohuampa
quimo yahualhuiticac, huel macuilpoalli ini teocuitla
pepetlaquillo, çequi huehueyac, çequi tepitotón, ihuan
cucuetlanqui. Auh huel mâtlaclîn omome in quiyahua-
lpa ini xayacatzin, ihuan ini tzonecontzin, auh in ye-
mochi nenecoc ic huetzi ompohualli on mâtlaclli ini to-
nameyotzin, ini pepetlaquillotzin; auh ini tlôtloc inic
tlatlantica iten tilmâtli iztac mextli inquimo yahual-
huiticac. Auh inin ytlâçò ixiplatzin ihuan in yemochi
ca çe Angel inipan tlacçaticac, can huel ipitzahuayan
clanti-

9

tlantica inic neçi; auh inixitlāpa àtle neçi yuhquin mix-
titlan ađica; inic ontłami inite tilmàtli itlapachihcatzin
ilhuicac ċihuapilli, inixitlampatzinco huel yeđli inic
onhuehuetzi nohuian necocampa quitzitzitquiticac
Angel; auh ini neololol, ini nechichih chichiltic, auh
teocuitlatl iniquechtlan ic ċaliuhtica; auh ini Atlapal ne-
papan quetzalli, nepapan ihuitl ċoçouhticac, quihuicati-
cac ini māmā Angel; auh inic neçi huel iuhqui in pađi-
cac motlamachtitac inic quimonapalhuitica in ilhuicac
Tlātocaċihuapilli. —

NICAN MOTECPANA

IN IXQVICH TLAMAHVIÇOLLI YEQVIMO
CHIHVILIA IN ILHVICAC ċIHVAPILLI
TOTLAÇONANTZIN GVADALVPE.

(✝)

Huel qui yacati iniquac yancuican quimohuiqui-
lique in ompa tepeyacac in oyuh yecauh ini teđ-
caltzin, inixquich tlamahuicollī quimochihuili.
Cainiquac in, ca huel mohueychih intlayahualoliztli ic
quimohuiquilique, ċenquizque inixquichtin reopixque-
catca ihuan in nepapan Caxtilteca in ye inmac catca al-
tepetl; no ihuan inixquichtin Tlātōque Pipiltin Mexica;
ihuan in ocçequin nohuian altepehuàcan tlāca, huel tla-
çencahualoc, inic yec tlachichihualoc in nohuian ipan
Cuepōtli inic hualquitzica Mexico inic on àci Tepeya-
cac in oncā omoquetz i Teocaltzin in ilhuicac ċihuapilli.
Huel miec inic oneahuiltloc, inic pāpacoac, inic hui-
loac; in cuepōtli huel tentihua, ihuan in necocampa
atezcatl cahuel oc huēcatlan catca. āmo çan quexquich
in maçehualli acalco huia cequin micalitihua, mo yao-
nanamiquia. çeme yēhuan intlaminquē in mo Chichi-

C

. meca

meca chichihuaya, achi huel contilini ini tlahuitol, auh
 àmo inèmachpan quiztiquiz in mitl niman quimin ceme
 in oncan micaltinencia quinalquixti iniquech niman on-
 can huetz : auh in oquittaque ca ye omomiquili niman
 quimohuiquililique izcenquizea Ichpochtli toçihuapil-
 latòcatzin ixpantzinco quitecatò, ini huayolque quimo-
 tzàtzililia inic matlacahua yni yollotzin, ma quimoz-
 calili, Auh in oyuh quihualcopinilique in mitl, àmo çan
 iyo inquimozcalili, inquimoyolitili, no ihuan nimá pà-
 tic in oncan ic nalquiz in mitl, ça ixquich mo cauhti-
 quiz ini nezca, inic calac, ihuan inic quiz in mitl : auh
 niman moquetztehuac, còlatòcti inic quimo pàpaquil-
 tiliaya in ilhuicac çihuapilli; auh huelmochi tlacatl çen-
 ca tlamahuiçò; ihuan quimo yectenehuilique izcenquize-
 ca ichpochtli ilhuicac çihuapilli Santa MARIA de Gua-
 dalupe; inquenin ye quimoneltlilitiuh ini tlàtoltzin in-
 quimolhuili in Iuan Diego, inic çemècac quinmopalehui-
 liz, quinmomanahuiliz in nican tlaca; ihuan in aquique
 itechtzinco motzatzilizque. Auh yuhmìttoa inin tlaca-
 tzintli niman iquac oncan mocauh initlaçò chantzinco
 in ilhuicac Tlaçòçihuapilli oncan quimotlàtlachpanili-
 liaya ini tedalcztin, inithualtzin ini quiahuaçtin.

INiquac huey cocoliztli manca inipan xihuitl mill y
 quinientos y quarenta y quatro, in huellalpoliuh inipà
 huèhuey Altepetl, ççemilhuaitl motocaya macuilpo-
 hualli Tlacatl nel conpanahuia; in oyuhquimottilique
 ini tlaçòhuan totecuiyo San Francisco Teopixque, in àmo
 çehui, in niman àtle quimopàchihuia, inye ahuil òtla-
 toca, in yemotlalcanahuilia, in yemotlalpolhuia inipal-
 nemoani to Tecuiyo; niman ipan motlàtoltique inic tla-
 yahualoloz, huiloaz in ompa Tepeyacac, in tlaçò Teo-
 pixque quinmonechicalhuique huel miactin in pipiltzi-
 tzintin, çihua, oquichtin inquin ye chiquaçen xihuitia,

inquin ye chicon xihltia mo mecahuiteſtāque inic yā
 tlayahualoliztli: oncan hualquiz in Tlatelolco Teopan,
 gemōrica quimotzatzililitāque into Tecuiyo inic ma qui
 mochoyttili ini arzin, ini tepetzin, ma ye ixquich ini çō-
 maltzin, ini qualantzin, maçā huel icatzinco, ipāpatzinco
 initlaçō mahuiZNantz in izçēquizca ichpochtli, to çihua-
 pillatōcatzin Santa M A R I A de Guadalupe Tepeyacac:
 huel yuh āçito ini Teopā Chantzinco in ompa huelmieç
 tlatlatlauhtiliztli quimochihuili que in Teopixque. Auh
 quimo nequilti in ipalnemohuani Dios in ica itepan tlā-
 toltzin, ini tlatlatlauhtiliztzin in icnohuācatzintli, ini
 tlaçō mahuiZNantz in niman çeuhta in cocoliztli, ini moz-
 tlayoc, acomo miac tlaçatl in omotōçac; yequene çā çana
 ome, yei tlaçatl inic çehuito cocoliztli.

IN oc ipenhyau inquiniuh hual āçico tlaneltoquiliztli,
 in nican tlalpan in axcan motocayoria Nuova Eſpaña;
 huel çenca miac inic quinmotlaçōtili, inic quinmopale-
 huili, inic quinmomanahuili in ilhuicac çihuapilli çen-
 quizcaichpochtli Santa MARIA in nican tlaca inic huel
 quimomacazque, inirech hualmopachozque: intlanelto-
 quiliztli, inic quitelchiuhque, inic qui iyaque intlateo-
 toquiliztli, inic omo tlapolōtlinemico in tlatlicpac, in
 tlayohuayan inmixtecomac ic oquin nemiti in tlaçateco-
 lotl; ihuan inic çēca itechtzinco motzatzilizq̃, tlaquauh-
 tlamatizque; o quimonequilti inic nican omentin tlaca
 oquin mortititzino in yancuican y huan o in māçehualtic
 ini tlaçō ixiptlatzin izçenquizca ichpochtztintli toçihua-
 pillatōcatzin in nican inahuac altepetl Mexico moyetz-
 tica in quimottititzino in Iuan Diego in oncan Tepeyacac
 Guadalupe: nimanyē inixiptlatzin moteneuhtzinca Re-
 medios quimottititzino in Dō Iuan in oncan Totoltepec,
 in quimottititzino inicpac Tepetzintli metitlā moyetzi-
 ndicac, in axcan oncan icac iTeocaltzin; Quimohui-

quili inichan oncan achiquezqui xihuitl quimopiali, auh
 çatepan quimochichihuilili çe teocaltzintli inixpan ini-
 cal inic ompa conmiqanili. Auh inye achi quexquich
 cahuitl in ompa moyetztica; itech motlali huey cocoliz-
 tli in Dô Iuan auh in omottac, inca yetlanahui inaoc huel
 maquiçaz, moquetzaz, quin tlatlauhti ini pilhuan maçe-
 hualtzitzintin totoltepec tlaca inic quihuicazque Tepe-
 yacac in ompa moyetztica izçenquizca ichpochtli Totla-
 çonantz in Guadalupe in aço quipanahuia ome leguas inic
 quihuëcaitztica in oncan totoltepec. Yê ica quimatia in
 quenin quimopâtîli in ilhuicac Çihuapilli in Iuan Bernar-
 dino Quauhtitlâ chane i Tlâtzin in Iuan Diego izçayeno-
 yê itechcarca huei cocoliztli; ihuan inye ixquich tlama-
 huiçolli ye quimochihuilia. Niman ic tlapechco conte-
 caque quihuicaque in ompa Tepeyacac : auh in oconte-
 cato inixpantzinco ilhuicac Çihuapilli Totlaçonantz in
 de Guadalupe, niman ye ic quimochiquiz tlatlauhtilia
 xipantzinco mocno teca, mocno mati, quimîtlanililia inic
 ma quimocnelili, ma quimopâtîli in itlallo, iniçoquio,
 aço huel ocçemilhuitzintli quimonemitiliz in itlalticpac-
 tzinco, inic huel quimotlayecoltiliz in yêhuatzin, ihuâ
 ini tlaçõconetzin; auh quimopacca çelili in icnohuâca-
 tzintli ini tlatlatlauhtiliz, çenca mopâpaquiltia, mohue-
 huetzquitia in oquimottili, quimotlatlaçõtîlia, inic qui-
 mononochilia, ximoquetza cayeotipâtîc, ximocuepa in
 ompa in mochan : auh nimitznahuatia in icpac tepetl in
 canin icac imetl in oncan tiquttac nixiptla xicquetza çe
 Teocaltzintli in oncan yez; ihuan occequi ic quimonâ-
 nahuatili in elein quichihuaz : auh niman iquac pâtîc.
 Auh in oyuh con motlatlauhtili izçenca quitlaçõcamati,
 ini teicneliltzin, hualmocuep inichan ça icxipan, aocmo
 quinapalõque. Auh in o açico nimâ quineltili, quiquetz
 ini Teocaltzin ini tlaçõixiptlatzin in ilhuicac Çihuapilli
 mote.

moteneuhztzinoa Remedios in oncan axcan moyetztica. Auh in oyuh yecauh ini Teocaltzin huel yēhuatzin in omocalaquitzinoto, inōmatzinco omoquetzinoto, in ipan alçartzin inyuh axcan moyetztica, yhuan inyuh icuiliuhtica inipan inixquich itlamahuicōltzin.

Nican ipan altepetl Mexico çemē caxtilteca pipiltin itoca Don Antonio Carauajal quihuicac oçe telpocatzin ihuanyolqui ompa ya in Tollantzinco, auh inic onquizque in oncan Tepeyacac, oconcan calāq ini teopanchantzinco izçenquizca ichpochtli Totlaçōnantzin Guadalupe; oc oncā moteochiuhtiquiz que quimotlāpalhuītiquizque inilhuicac Tlatōca Çihuapilli inic quinmopalehuiliz, quimomanahuiliz; ihuan qualli quinmāxiti-liz in ompa ic hui. Auh in ohualquizque, in ye nenemi otlica ic mononortzaque ini techpatzinco izçenquizca ichpochtli inyuh monexiti ini tlaçōixiptlayotzin, in huel huey tlamahuicōltica: ihuan in ye ixquich nepapan tlamahuicōlli yequimochihuilia, inic quinmocnelilia in aqueque itechtzinco motzarzilia; auh inye otlatocatihui ini Caballo inipan yetihua Telpocatzin, çan ipan hualhuetz inic tlahuelcuic, cuixnoçē itlaquimahti, huel ihui in onehuac, motlaloa, atlauhtla, tepexic, texcalla, in ocnen ixquich itlāpal icquitititzaya freno aoc huelquixico, aco media legua inquitotli, in ocnen quitzacuiliz quia inin tehuicalhuan, niman aochuel mochiuhque yuhqui, in ecato-co ic yauh, niman quipoloto, inmomatque amo yecana oquitetextilito, canoço huel ohuicā incanin o tlamelauhtiquiz, cahuel atlauhtla, texcalla; auh quimo nequilti inTotecuiyo, ihuan izçenquizca icnohuācatzintli itlaçōmahuiz Nantzin quimo maquixtili iniquac quipatilito, in ipan açito ca moquetzticac inCaballo toloticac, iuhqui in oquicōcolo inima, niman aoc huel molinia, auh in telpocat-zin çe icxi icpilcac estribotitech otlatzicō. Auh in oquit-taque

taque çenca huel oqui mahuiçòq̃ in yoltica, ihuā in nimā
 àquen in mochiuh, manoçe cana omocòcò, nimā icqui
 napalòque, quihualquixtique inicxi: auh in omoquetz
 quitlàclanìque quenin omaquiz in àtle ipan omochiuh,
 auh in yèhuatl quimilhui ca ye oanquimortilìque inque-
 nin iquac otihualquizq̃ Mexico oncan tihualquizti quizq̃
 ichantzincò inilhuicac Çihuapilli totlaçò Nantzìn Gua-
 dalupe oncan tic hualmahuiçòrehuaque ini tlaçò ixiptla-
 tzìn tic totlatlauhtilique, auh çatepan otlica iſtohual no-
 notztiàque in ixquich tlamahuiçòlli yequimechihiilia,
 inquenin huel huey tlamahuiçòltica monexiti ini tlaçò
 ixiptlatzìn; auh ca huel çeca çenmochi ipan ya in notla-
 namiquiliz huel nicnoyolloti. Auh yè iniquac oyuh ni-
 nottac, in huel onino ohuicanaqui in aocçà huel nimaqui-
 çaz ca yeppa nimiquiz, nipòpolihuiç, in niman aocle
 oncatca nopalehuiloca, çà nimā iquac çenmochi ca in no-
 yollo nicnotzatzilili izçenquizca ichpochtzintli ilhuicac
 Çihuapilli Totlaçònantzìn Guadalupe inic ma nech moc-
 noittili, manech mopalehuili; auh ca çan nimā iquac onic
 nottili inquenin huel yèhuatzìn inih monexititica in-
 pan itlaçò ixiptlayotzìn in toçihuapillatocatzìn Guada-
 lupe in onech mopalehuili, in onech momaquixtili, oqui-
 motzitz quilili ini freno in Caballo, inic nimā omoquetz,
 oquimotlaca machiti, iuhqui inixpantzincò omopachò,
 omotlanquacolo inyuhqui quenin oipā anmaxitico: huel
 çenca icquimo yeſtenehuilique in ilhuicac Çihuapilli nī-
 man ic otlatocaque.

CEppa çe Caxtiltecatl ixpantzincò motlanquaquerz-
 caya inilhuicac Çihuapilli totlaçò Nantzìn Guada-
 lupe quimotlatlauhtiliccatca. Auh mochiuh coton in me-
 catl icpilcaya çe huey lampara in huel yetic inixpantzincò
 pilcaya; auh niman iquapan huallamelauh, huel ipan
 ini tzonecon huetzico, auh in ixquichtin oncan ocatca

omo-

omowatque àço niman omic àço equi qua xaman, auh
 ànoçe huel oquicocò, yè ica ca huel huécapan in huale-
 huac: Auh àmo çan iyo in àquen mochiuh, in àcan mo-
 cocò yece in lampara niman àcan pachuih, noçe tepiton
 itlacauh ihuan in tehuiotl àmo tlapán, auh in azeite on-
 can ocatca àmo onoquiuh ihuan àmo oçeuh inic tlatlati-
 catca, huel çeca quimahuicòq mochi tlatcatl inixquich tla-
 mahuiçolli çà çemi quimochihuili in ilhuicac Çihuapilli.

INyèhuatl Licenciado Iuan Vazquez de Acuña Vicario
 catca in huel miac xihuitl oncan motlàpiali. Çeppa
 mochiuh yè qui mochiuuliz Missa in oncan Altar ma-
 yor auh omochi çèçeuh in candela; auh in Sachristan oc
 ya inqui tlatito, yè inic çenca yè yecani in oncan, auh in
 Teopixqui mochiaticatca inic tlatlaz candelas, quittac
 initech itonameyotzin ilhuicac Çihuapilli hualquiz ome-
 yuhqui in tlemahuatl, noçe iuhqui, in tlapetlanillotl qui
 tlatlatico in candelas necoc campa: huel çenca quima-
 huicòque inin tlamahuicolli inixquichtin oncan iteo-
 pan chantz inco catcaya.

INiquac huel yancuican ilhuicac Çihuapilli quimotti-
 tizino in Iuan Diego ihuan in hui tlamahuicòltica
 mo nexiti in itlacò ixiptlatzin, huel çenca miec in tlama-
 huicolli quimochihuili; yuh mittoa no ihuà iquac motlapò
 in ameyaltzintli, ini tepotzca itedcaltzin ilhuicac Çihua-
 pilli tonatiuh iquicayampa, huel oncà in canin quimona-
 mi quilito in Iuà Diego iniquac quitlayahualhui tepetzin-
 tli inic àmo quimottilizquia ilhuicac Çihuapilli in oc acat-
 topa quinec quinetzaz Teopixqui, inqui yolcuitizquia, in
 quicencahuazquia ini Tlatzin Iuan Bernardino in huel tla-
 nauhtoya, huel oncan in quimo yacatzacuili, ihuan in
 oncan conmihuali xochitequito iniepac tepetzintli, no
 ihuan oncan conmottitili in talmantzintli in oncan mo-
 quetzaz tedcaltzintli, ihuan in oncan çà icçen quihualmi-
 huali

hualì inìc quittaz Tlàtohuani Obispo in quimotitlanilì
 xochitl inì neltica, ihuan inì nezca, itlanequiliztìn, ic
 mochihuaz itedcaltzìn; in yēo moch hualmittotiquiz.
 Inìn atzintli inoncan meya, maçihui in màcoquetza ic
 moloni, ic momoloca àmo ic pepeyahua, manocē huey
 quitoca caçan huel tepitzìn, ihuan huel chipactic àhuiaç,
 yece àmo huelic achi yuhqui in xoxococ, quimopàchi-
 huia inixquich cocoliztli nepapan, in aquique izçen yol-
 locacopa conì, noçe ic màaltia; ic ipampa àmo çan tla-
 pohualli tlamahuicollì ye quimochihuilia izçenquizca
 ichpochtztintli ilhuicac çihuapilli Torlaçonantzìn Santa
 MARIA de Guadalupe.

CE Caxtillan çihuatl chane cata in nican ipan al-
 tepetl Mexico çan ixpeuh in yepoçauhtinuh in ite
 yuhqui in itexihui, iuhqui in ye çuitlaxitiniz : otla yē
 yecōque in titicì Caxtilteca, nepapan pàtli icqui pàtiaya;
 niman àtle qui namic, manocē quimopàchihui, ilhuicē
 ohueixtitia, ye màtlaçtli metztli inì techca inì cocoliz,
 yhuan yehuel yuhca inì yollo caniman aoc huel pàtiz, ca
 icmiquiz inlaçamo yēhuatzìn quimopàtiliz in ilhuicac
 çihuapilli, çenquizca ichpochtli Santa MARIA de Gua-
 dalupe: aui tlanahuati inìc quitlapechhuizque ompa qui
 huicazque in tepeyacac inì chantzìnco ilhuicac çihua-
 pilli : Auh yohuatzìnco conehuilique; aui in ocon àxi-
 tito inì teopan chantzìnco, ixpantzìnco contecato, nimā
 ye ic conmotlatlauhtilia moch ica inìyollo inìc maqui-
 mocno yttili, ma quimopàtili; ixpantzìnco choca, moc-
 no pechteca: aui quitlan matepitzìn màcō inì amealtzìn
 inìc coniz, aui in oyuh conic nimā ic yamanix, peuh in
 ye cochi, aui in yeoquipanahui nepantla tonatuh, in
 yetziliniz çe, in quihuicaque, oc hualquizque quiahuaç
 tlatlamahuicoto, ça icel quihual cauhtiquizque in oquic
 on cochi : On yamanix : aui ceme in maçehualtzitzintin

in oncan nètollèque tlàtlachpantimeimì Teopàn, in yeco-
quittac itzintlā hual quiça huel temāmauhti cohuatl, çen-
matl, ihuā çemiztetl inic hueyac ihuan huelcomahuac, huel
çenca omo mauhti niman quitzàtzili in Caxtillan çihuatl
cocoçcatzintl, niman ic icātehuac, meuhthhuac, huel çen-
ca miçahui momauhti, tzatzàtzic inic tenotza, nimā oncan
cōmictiç in cohuatl; auh nimā iquac patic, opachih inite,
auh oc onahuilhuiti in oncan, inic çeçemilhuitl quimo tlat-
lauhtiliaya in ilhuicac Çihuapilli in oquimocnelili in oqui-
mopàtili; auh in iquac hualmocuep aocmo quihual napa-
lōç ça huallacxipāhui ye huel paçihuitz aocle màquiccoç.

CE Caxtiltecapilli chane in nican ipan altepetl Mexi-
ço huel chicahuac inic quicocoaya initzontecon, ihuan
ini nacaz, yuh qui ye cuitlaxitiniz, niman àtle quimopà-
chihui, aoc huel quiyohuiaya: tlanahuati inic huicōz in
ompa itlaçò chantzincō izçenquizea ichpoçhtzintl Totla-
çònantz in Guadalupe. Auh in o àçito xpantzincō, huel
izçeyollōcacopa quimo tlatlauhtili inic maquimopalehui-
li, ma quimopàtili; auh omo nètolti, ca intla oquimopà-
tili xpantzincō qui huenchihuaz ce tzontecomatl iztac
teocuitlatl, auh çan niman iquac ino àçito opatic. Auh
in yuh chiuenahuilhuiti inichantzincō ilhuicac çihuapilli
hualmocuep in ichan hualpactia, niman aocle qui cocoa.

CE çihuatzintl itoca Cathalina itexihuia, auh inoquit-
tac in nimā aocle quimopàchihuia, in yehuellarauhtoc,
auh in titiçi quittoç aocmo mehuaz cayepa miquiz: tlat-
lauhtli inic quihuicazque in ompa iteopanchantzincō
in ilhuicac Çihuapilli Totlaçònantz in Guadalupe: auh in
o yuh cāxitito huelmochica ini yollo quimotlatlauhtli
inic maquimopàtili, niman ic qui hualquixtitiaque ome
tlacatl quihual tzitzitzquitiāque, huel ixquich itlāpal qui-
chih inic àçito inoncanca fameyaltzin; auh huelmochica
ini yollo inic conçe in atl oncan meya, nimā ic oncan opà-

tic, iuhquin èecatī nohuampa itech hualquiz, ilhuice ita-
macpa inic conē in atl. Auh inon calac iteopanchantz in-
co Çihuapilli yeopàtic aotle quicocoa.

CE San Francisco Teopixcatzintli in àtle icaçtzin ito-
catzin Fray Pedro de Valderrama huel tlanahuia in-
qui cocoa, çe ixopil in huel otlanauh in niman huel aoc
pàtiz intlacamo qui cotonilizque, yè ica itech omotlali in
huey qualocatī niman ic içiuhca qui huicatihuertz que in
ompa itlaçò chantzincō in ilhuicac Çihuapilli Guadalupe
auh in oyuh xpantzincō àçito niman icquitōton intzotzo-
màtli, ic quimiliuhticatca ixopil, quimottitili in ilhuicac
Çihuapilli: ihuan huelmoch ica iniyollo quimotlatlauhtili
inic maquimopàtili; auh ca çanniman iquac o pàtic, auh
in yepàtica ça icxipan omocuep in ompa Pachòcan.

OCno çe Caxtiltecapilli itoca Don Luys de Castilla çe
icxi huel poçahuac, auh in ye huel otlanauh, ye coco-
yoca inic palani inniman aotle quimopàchiuhia in icqui-
pàtia in titici. Auh yehuel yuhca ini yollo ca icmiquiz,
yuh mittoa quimolhuili intlacpac Teopixqui omo teneuh,
inquenin yèhuatl quimopàtili in ilhuicac Çihuapilli Totla-
çònantzin Guadalupe niman ic tlanahuati quichihuaç que
in teocuitlapitzq̄ çe iztac teocuitla icxitl inixquich huey
in icxi; niman icquihualmotitlanilili; inic oncan iteopan-
chantzincō xpantzincō quipiloç que huel icen yollòcaco-
pa imactzincō hualmocauh inic quimopàtiliz. Auh intitlā-
tli quicahuaco iniquac ompahualquiz, yemomiquiliz ne-
qui, yehuellanauhtoc, auh iniquac mocuep inipan àçito,
yepàtica, yeoquimopàtili in ilhuicac Çihuapilli.

CE Sachristan itoca Iuan Pabon in oncan motlacuitla-
huiaya ini teopan chantzincō ilhuicac Çihuapilli to-
tlaçònantzin Guadalupe quipiaya çe piltzintli auh itech
motlali inquech poçahualiztli, yehuel otlanauh, yemomi-
quiliz nequi, aoc huel cana ini iyo; Quihuicac xpantzincō,
auh

auh ic conmamatelò in azeite ilamparatzin ic tlatla; auh
 çan nimā iquac pàtic quimocnelili in ilhuicac Çihuapilli.
YN oc itzinēcan, in oc ipeuhyan iniquac monexiti ini
 tlaçò ixiptlatz in izçenquizca ichpochtztintli Totla-
 çònantz in Guadalupe in nican tlaca tlàtoque Pipiltin huel
 itechtztinco motzatziliaya inic quinmopalehuiliaya, inic
 quinmo manahuiliaya inin netolinilizpan, ihuan inin mi-
 quiztempan, içen mactztinco mo cahuaya çemè yèhuan in,
 in tlàtohuani catca Dō Francisco Quetzlalmamalizin Teo-
 tihuàcan iniquac xixin in altepetl in huel caçimoman, in-
 niman aocac mocauhtiquiz inic àmo quinmocahualiz tla-
 machiltiaya in San Francisco Teopixque, inquinequia Tlà-
 tohuani Visorrey Don Luys de Velasco yèhuantztzin in
 San Augustin Teopixque quin mocuitlahuiztinczque, huel
 ic cēca netoliniliztli quittaque in altepehuàque. Auh in-
 in tlàtocauh Don Francisco, ihuan ini piloan ça motlàtla-
 titinemia, yè ica huel nohuan temoloya; auh oncan hualla
 izça tlaçaccan in Azcapotzalco, auh ichtaca quihualmotla-
 tlahuhtiliaya in ilhuicac Çihuapilli Guadalupe maquimo-
 yollotili ini tlaçòconetzin in Visorrey, ihuan in tlatòque
 Audiencia Real inic tlapòpolhuililozq̃ altepehuàque inic
 huelmocuepazque in inchan, ihuan ocçepa macozquè in
 San Francisco Teopixque, auh huel yuhmochiuh, ca otla-
 pòpolhuililoque in altepehuàque, ihuan in in tlàtocauh
 inin pillohuan, ihuan ocçepa macoque in San Francisco
 Teopixque, inic quinmocuitlahuizque, ihuan mochintin
 hualmocuepque inin chan aocmo mà ic toliniloque; mo-
 chiuh ye ipan xihuitl mil y quinientos y cincuenta y ocho,
 no ihuan inye ini quiztempan in Dō Francisco huel içen-
 mactztinco mocauh in ilhuicac Çihuapilli Totlaçònantz in
 Guadalupe inic ipan motlàtolitz ini yolia, ini anima, auh
 molhuenchihta inixpantztinco, iniuh neztica inipā itesta-
 mento in huel tlayacatitica ilàtol, ilatecpan, mochiuh ic

omilhuitl mani; Marçõ inipan xihuitl mil y quinientos y
fesenta y tres.

IN ye yuh moyertztica ini tlaçõ chantzincõ, izçenquizea
Ichpochtztintli ilhuicac çihuapilli Guadalupe àmo çan
quexquich, àmo çan tlapohualli intlamahuicõlli quimochi-
huili, inic quimocneliliaya in nican tlaca ihuan in Caxtil-
teca, çaçe inixquichtin nepapan tlaca itechtztincõ motzà-
tziliaya, in qui hualmo teportzoquiliaya. Auh in yèhuatl
in Iuan Diego canel yehuel oquimo çen macatzino in il-
huicac çihuapilli, ini çihuatecuitorzin, auh huel quitequi-
pachoaya, inic huèca quitzticatca ini chan, ini altepeuh,
inic huel çeçemilhuitl quimotlayecoltiliz, quimo tlàtlach-
panililiz, yè ica quimotlatlauhtili in Tlàtohuani Obispo
macanà caltechztincõ ininahuac iteðcaltzin, inic huel on-
can yez, quimo tlayecoltiliz; auh quimo huel caquilili in-
itlatlaniliz; auh niman quimomaquili calztintli, inì nahuac
iteðcaltzin ilhuicac çihuapilli: canel huelçenca quimo tla-
çõttiliaya in Tlàtohuani Obispo. Niman ic hual miquani
quitlalcahui ini altepeuh quihualcahuiltehuac ini Tlatzin
Iuan Bernardino ini cal, ini tlal, oncan çeçemilhuitl tlato-
matia, quimo tlàtlachpanililiaya in ilhuicac çihuapilli, ix-
pantztincõ mo pechtecaya, quimo tlaocol nonochiliaya,
ihuan àmo huècauhtica in moyoleuitiaya, tlaçeliaya, mo-
çahuaya, tlamàçehuaya, mohuitequia, tepozmatlatl tequà-
qua ic mocuitlalpiaya, xomolli, caltechitli quitocaya inic
huel iyoca izçã içel quimomacaz in tlatlatlauhtiliztli inic
quimo nonochilitiez in ilhuicac çihuapilli. Içno oquich-
tli catea, oc yuh òxihuitl quimottititzinoz izçenquizea
Ichpochtztintli in omomiquilì ini çihuahuàztin catca itoca
Maria Lucia; auh inehuan chipahuaca nenque, mopixque
mochpoch miquilì ini çihuauh, no yèhuatl telpochnen, aic
quiximà çihuatl yè ica çeppa quicacque ini temachtiltzin
Fray Toribio Motolinia çemè in màtlaçtin onmomen San

Fran-

Francisco Teopixque huel yancuican m̃axitico; inquen in
 huel çenca quimohuellamachtilia in Teotl Dios, ihuan ini
 tlaçò mahuiç Nantz in chipahuaca nemiliztli, in nepializ-
 tli. Auh in quexquich quim̃tlanililiaya, inie quimotlaclauhti
 liaya in ilhuicac çihuapilli, moeh quimoneltililiaya; no yuhq̃
 in aquique itechmocahuaya, ca in p̃apa quimo m̃açehuiaya
 inleim inlanequiliz, inchoquiz, inlaocol. Auh in Tla-
 tzin in Iuan Bernardino inquitac in huel çenca quimo tla-
 yecoltilia in to Tecuiyo, yhuan ini tlaçònantzin, quihualto-
 cazquia, inie nehuā yezquia: auh à mo quinec quilhui inie
 monequia izçan ompayez inichan inie quipixtiyez in in-
 cal, inintlal quim̃cahuilitia que in t̃ahuan, in colhuan; yē
 ica ca yuh quimonahuatili in ilhuicac çihuapilli inie çan
 içel yez. Auh in ipan xihuitl mil y quinientos y quarenta
 y quatro años monianaco in huey cocoliztli, auh itech
 motlali in Iuan Bernardino; auh in ye huellanaughtoc quimo
 cochittili in ilhuicac, çihuapilli quimolhuili inie ye inman
 inye oncan ic miquiz, mamoyollali, macamo quen mochi-
 hua ini yollo ca quimo manahuiliz ini miquiztempān,
 quimo huiquiliz in ompa itlātoca chantz inco ilhuicac; ca-
 nel çem̃icac itechtzinco omopouh, omotzatzili, huel ipan
 caxtol ilhuil Mayo in ipan xihuitl omo teneuh in momi-
 quili, auh oncan hualhuicoc in Tepeiacac inie oncan tococ
 in itic itedcaltzin in ilhuicac çihuapilli, auh ca yuh itenco-
 patzinco mochiuh in Obispo, auh ca quipia ya nauhpohualli
 ihuan chiquaçen xihuitl iniquac momiquili.

Auh izçatepan in Iuan Diego yeyuh caxtollī ozçe xi-
 huitl in oncan quimotequipanilhuia, in ilhuicac çihuapilli
 in momiquilico, huel ipan in xihuitl mill y quinientos y
 quarenta y ocho; huel iquac in momiquili Tlātohuani
 Obispo. Auh in ye inman in ye oncan çenca quimoyolla-
 lili in ilhuicac çihuapilli, huel quimottili, quimolhuili inie
 ye inman in quim̃açehuatiuh in quimotlamachritiuh in
 ompa

ompa in ilhuicac, inixquich in oquimotenehuilili, auh no
 oncan motocac iteopanchantzincó, auh ye yuh épohualli
 on màtlactli ihuā nahui xiuhitia in momiquili, inquimohui-
 quili izçenquizea ichpochtzinli, ihuan ini tlaçò conetzin
 ini yolia ini anima in ompa quimo çentlamachtia inilhui-
 cac pàpaquiliztli: ma yuhquimonequiltitzino inic notehuā
 tiçtotlayecoltizque, tiçtlalcahuizque, inixquich tlaltic-
 pacayotl in tetlapolotli inic no huel tiçtomàçehuizque in
 ilhuicac çemicac necuiltonolli. Majuhmochihua.

NICAN tlantica inittoloca,
 ini pohualoca in huei tlamahuiçolli, inic omorexi-
 ti inixiptlatzin inilhuicac Tlatòca Çihuapilli, Totlaçòma-
 huiz nantzin Guadalupe: ihuan inquezqui tlamantli in
 omicuillo, itlamahuiçoltzin, in oquihualmochihuilitia, ic
 quimonextili ini tepalehuiliztzin in techcacopa ini techpa-
 rzinco omotzatzilique, oquimotemachitzinòque; auh ca
 çenca miec in omocauh, inoquipolò in cahuitl, in aoc mà
 aca quilmamiqui inic àmo oquimo cuilahuiq in huehuetq
 inma quimicuilhuiani niman iniquac mochiuh. Auh ca
 yeppa yuhque in tlalticpac tlaca, izçan huel iquac, qui ma-
 huiztilia, quitlaçòcamati ini teicneliltzin ilhuicac Tlatòca
 Çihuapilli, in tla oquimo màçehuizque, auh in moztla, in
 huiptla caye in tlalcahualizpan conlaztihuini inic aocmo in
 pan hual àçi, izçatepan hualhui, qui hualmomàçehuia ini
 tlanextzin, in itonatiuhztzin Toteçcuiyo. Auh ca huel ye yè-
 hual in, inipampa achi opoliuhca, omolcauhca in iteicne-
 liltzin ilhuicac Çihuapilli, inic çenca huei tlamahuiçoltica
 omoneixiti in nican ichantzincó Tepeyacac, inic àmo çenca
 in iuh monequia quihualmomachiltia, quihualmocuititzino
 ini màçehualtitzinhuā in huel inpampa oncan omò-
 caltitzino inic oncan quinmocaquililiz inin netoliniliz,
 inin

inin patzmiquliz, inin choquiz, inin tlaiclaniliz, auh quin
 monaquliz, quinmocneliliz ini tepalehuiliztzin, inih
 ye omitto yèhuatzin quimolhuili, quimomaquili ini tla-
 toltzin ini maçehualtzin Iuan Diego in quimotititzino.
 Auh inic àmo çen mochi tlamiz, quipòpoloz incahuil in
 tlamahuicòltzin ilhuicac tlatòca Çihuapilli, ca oquimotla-
 çòaequiliti itepalehuilizticatzinco motlilanaz, motepoz-
 pachoz in onez, in omopantlaz, maçihui ehuitica in omo-
 neltili, inic çen nohuian tepan açitih motemachiltitih.
 Auh in maçihui yehuelnelli yuhqui ca çan çentetzintli in
 ilhuicac Tlaçòçihuapilli içeltlaçònantzin in Dios itlaçòpil-
 tzin, izçan içeltzin çennohuian çemanahuac tictomahuiz-
 tililia inticlaneltocacatzitzin huan itlaçòconetzin; mahuel
 yuhye inimix, inin yollo tlalticpac tlaca, càmò çan quez-
 quican inic çen nohuian altepepā, huel yèhuatzin in oqu-
 mopèpeni, oquimixquechili, ini ye yantzin, ihuan inixip-
 tlatzin inic oncan quin mopalehuiliz in icnotlaca inixpā-
 tzinco huallazque, quihualmotemachitzin òrtiazque çen
 mochica inin yollo, quimitlanilizque initeca nechihua-
 liztzin. Inih ye izquican quimochihuilia in nican totlal-
 pan Nueva España: ca ini tlaçò ixiptlatzin inquin hualmo-
 huicalti Caxtilteca yancuican calaquico, teyaochihuilico,
 ye machizti inquenmochih inic çeme yèhuantzin in yao-
 tequipanèque quimotlatilitiquiz in oncan totoltepec in-
 iquac Mexica yaotica quin quixtique, quin tòtocaque Me-
 xico in Españolèstin: auh ca oncan huècauhtica mèmètla
 mopolihuiticac tla ixquichca çemaçehualtzintli, quimot-
 titi, quimonànahuatili, oncan quimocaltiliz inih ye omit-
 to. Auh inixquich itepalehuiliztzin in quimochihuilia, in
 ye quimo teicnelilia in oncan ic moyetztica, ca çenca huel
 miec in oquimàceuhque innepapan tlaca, ilhuicè yèhuān-
 tin in Caxtilteca inoquihualmohuiquilique, ihuan quimo-
 tlatequipanilhulilia ini chantzinco. Auh in ompa toton-


qui


qui tlalpan, ihual quicayanpa in tonatiuh, oncan in hual aci
huel. Acalli, itentla in poyec atl, in teoatl itocayocan Coça-
malloapan, occenterzintli mehuiltitica itlaçò ixiptlatzin
ilhucac tlatoca Çihuapilli, izçenca huey tlamahuicoll
quimochihuili inie oncan mehuiltitica, ihuan inie quimmo-
palehuilia inixquichtin quimonoçhilia, quimotzatzihlia
inin netolinilizpan. Çanno yuhcatzintli in mehuiltitica ini
tocayocan Temazcaltzinco, ihuan oc quez quican altepēpa
ilhucac yēhuatzin, ini techpatzinco tontlatōtihuī in nican
Tepeyacac quimixquechili ini yeyantzīn, ihuan quimo-
temaquili inixiptlatzin huel tlamahuicoltica, in amo aca
claticpac tlaçatl tlaçuilōcatzintli, oquimochihuili, oqui-
motlapalaquili, ca huel yēhuatzin in omocopintzino inie
oquimotlaçonequilti oncan mehuiltitiez. Auh in maçihui-
çen moçhīn in yequin inopalehuilia in nepapan tlaça in
inin netolinilizpan qui hualmo tlapalhuia inichantzīnco.
Ma huel yuhye inimix, inin yollo in nican tlaça maçehual-
tzitzintin, ca huel yēhuantin inin pampa oquimotlaçone-
quilti inin Çihuapillatōcatzin oncan moçaltitzinoz. Auh
ca yenelli yuhqui, cāmo çannen, çan tlapic in huel niman
ipeuhyan tlanetoquiliztli, omentin maçehualtzitzintin
quimottititzino in ayà ixtomi, in ayà ixquich ic impan
tlanecī, ic impan tlatlatchipahua in tlanetoquiliztli, inie
çenca oquimonextili ca huel yēhuantin inquin moremoli-
co, ca oquihualmo tlaçonequiltitzindia, inma quimo Çi-
huapillatōcatitzinocan, inma quimo mahuitzilitzinoçā,
in maquimotlatequipanilhuililican inie içehuallotitlan-
tzīnco quimmaniliz quimomaquiltitiez ini matzin, ini te-
palehuilitzin. Çanel amo mopolihuiciayā iniquac on in
mahuitzique tlaça, ihuan in Tlaçōteopixque in yehuēcauh-
tica itetequipandōcatzitzīnhuan ilhucac tlatōca Çihuapilli;
auh amo çeme yēhuatin quimotlaçōdienelili inie quimotti-
titzinoz, ca çan inçeltin inmaçehualtzitzintin in tlayohua-
yan,

yan, mixtecomac actoya in ocnòma quintlacòtlaya quin-
 tequipanoaya in iztlaca teorotontin izcan tlamachihualtin
 ixiptlahuan intoyauh in tlacatecolotl, maçihui ye in na-
 cazpan o hual àcica in tlanetoquiliztli ixquichea in qui-
 cacque, inic omoteittitizino ini tlaçomahuiznantzin to-
 tecuiyo Xpo, ihuan inic oquittaque oquimahuiçoque in
 xiptlatzin, cenquizecamahuizticatzintli inic motlacane-
 xititica. Cagencia ic oixtonque, otlachixque, yuhquin im-
 pan otlathuitiquiz. Auh (inuh quicuilotehuague in hue-
 huetque) niman cequintin in Pipiltin, çan noyuhque inin
 tlahuicalhuan maçehualtztizintin izçen yollocacopa quin
 tlazque quin tepenhque, quiyahuac quin quixtique inixip-
 tlahuan tlacatecolotl; peuhque ye ic quimomahuiztililia,
 quimoneitoquitizino in to Tecuiyo IESV Christo, yhuan
 ini tlaçonantzin. Inic onnelti càmocan iyo ic ohualmo-
 huicac, omoteittitiz inoco in ilhuicac tlatòca Çihuapilli to
 Tlaçonantzin, Guadalupe inic quinmopalehuiz macehual-
 tztizintin ytechcacopa inin tlalticpac netolinaliz ca ocçen-
 ca oquihualmelehuilitia quinmomaquiliz ini tlanextzin,
 ini tepalehuiliztzin inic quimiximachilizque in huelnelli
 iceltzin Teotl Dios, ihuan inic ipaltzinco quittazque, qui-
 ximatizque in ilhuicac nemiliztli. Auh inic yuhquimo-
 chihuil in, ca ipan àci, huel yèhuatzin quimocalaquilico,
 quimo tlachicahuililico in tlanetoquiliztli yeoquimope-
 hualtilica quimotemaquila in tlaçopilhuanantzin San
 Francisco inic otòtococ in lateotoquiliztli, tlapanhuioc,
 oxitin ini tlatocayo inmoteomachtlanini Tlacatecolotl in
 tlayohuayan, in mixtecomac oquin nemiti ini tlachihual-
 tztizinhuan, ini maçehualtztizinhuan to Tecuiyo izçen ca
 oquimixtepetlatilica inic yèhuatl quimacazque in teoma-
 huicoatl, in tedcalli, in teomomoztli, in xochitl, in copalli,
 inin tolol, inin tlanqua, inin nepechrequiliz, izcan huel
 iceltzin inemaçzin in ilhuicac mehuilitica, in otechmo-


chihuili. Auh ca yeppa itequitzin in ilhuicac tlatōca çì
 huapilli in quimoxitiniz, in quimopòpolhuiz in tlateoto-
 quiliztli in iuh quimolhuilia, in iuh itechacopatzinco
 quimocuititzino in tonantzin Sāta Iglesia, in izquipa qui-
 motlatlahuilia, quimoyectenehuilia, quimolhuilitzino.
Gaude Maria Virgo cunctas hereses sola interemisti in universo mundo.
 inquittoznequi, maximopaquiltitie çemicac ichpochtzin-
 clē Santa Mariatzinē izçen nohuian tlatci pac moçeltzin
 otic mopòpolhui, otic mātletilili in ixquich in tlateoto-
 quiliztli, ihuan in chico tlanetloquiliztli. Auh in maçihui
 yenelli yuh qui, ca huel oneltico in nican totlalpan Nueva
 España in ic çenca monequi in maçacan in ma ixtomican
 in iztlaca in maçehualtitzintin in quittaz que in quipohuaz
 innican, omicuilō in in pampa oquimochihuili in ilhuicac
 tlaçō çihuapilli, in ic quinemiliz que catlēhuatl monequi
 in quichihuaz que in ic quimocuepililiz que, quimoxtlahui-
 lilizq̃ in i tetlaçō tlatlitzin, in ic notehuan qui māçehuaçq̃
 in tepalehuilitzin in iquac quimonochiliz que noçe in tla-
 xhantzinco quihual motlāpalhuizque, quihual mottilizq̃
 in i tlaçō mahuiz ixiptlayotzin, ca quimoneltiliz in i tla-
 toltzin in ic oncā oquimotlaçō nequilti motaltitzinoz in ic
 quinmopalehuiliz in maçehualtitzintin. Matlacahua in i
 yec yollotzin in totlaçō mahuiznantzin ma yehuatzin
 quimocuetlanili in toyoſſo, in ic toçen yolloica ticoma-
 huiztililizque innican tlatci pac ixquichca in ic itepalehui-
 lizticatzinco tixtelolotica tic tottilizque in ompa in in-
 cuiltonoliz yeyantzinco. Maiuhmoçihua. —

L A V S D E O.





Guadalupe.



ilhucac otihualmotemohui, auh cenca huei tlamahuiçoltica otiquinmottititzinoco inicno macehualtitzintin. Têhuatzin timitzô. totzâtzililia, intitotlaçômahuiçNantzin Guadalupe, in çenca huei teicnoittalztica otitechmomaquilitia in mixiptlayotzin in ixpan tzinco titotzâtzilizque inticnotlaca intlaiyobuilizpan tinemi ini tlaticpaçtzinco motlaçôconetzin : Matohuicpa xic hualmocuepili in mixtelotzin, macamo iðimitztotlâeltilican inixquich in totlâ. tlacol, Çaye xicmo neltilili inmortlâtoltzin inic titechmopalehuiliz inic topan timehuititzinoz ; matic mâcehuacan in motlanextzin inic tiquttazque inilhucac nemiliztli. Auh inixquich inic oticco tlapilçihuulilique, otitotlâtlacalhuililiq in toTecuio: mamopampatzinco tipôpolhuililocan, ma rêhuatzin xicmoçehuili ini yollo. tzin in motlaçôconetzin, ma ixquich ma on çeçehui ini tlahueltzin, ini quallantzin, matechmocnoittili in titlachihualtitzintinbuan in mocehuelloritlantzinco tonacticate intimitzontotzâtzililia in açcâ; auh in yeoncan in tomiquiliztempan ma xicmiquanili, ma xicmo. tôtôquili intoyauoh, in totetlapololticaub, inic paca, yocoxca mocenmaçtzinco mantiaz intoyolia intanima, inic ixpan. tzinco neçitiah ini techiuhcatzin Dios. Maiuh.

mochihua. I E S V S.



THESE ARE THE


THESE ARE THE

THESE ARE THE

THESE ARE THE

THESE ARE THE

THESE ARE THE



THESE ARE THE

THESE ARE THE

THESE ARE THE

THESE ARE THE

S E R M O N

DE NUESTRA GRAN REYNA, PODEROSISSIMA

Patrona, Madre, y Señora nuestra,

MARIA SANTISSIMA

DE GUADALUPE.

EN QUE BREVE, Y CLARAMENTE

se refiere la historia de su admirable, y milagrosa Aparición;
para que esta llegue à noticia de todos los Indios, por la
misma Señora especialmente favorecidos.

*Temachtilli in Itechcopatzinco in Tlâtocacibuapilli, cenca
huelitini Totepanilâtocatzin, Totzopelicananzin, ihuan
Tocibuatecuioyotzin, in Yehuarzin in Cemîcac Ichpotzin-
tli, Santa MARIA de Guadalupe. Auh in oncan âmo
hueyac chipahuacatlâoltica morecpancapohua in Cenquiz-
camahuizauhqui in Inexilitzin, in Ticuilolocatzin, in Ico-
pincatzin in Itilmatitech in Macehualtzintli Juan Diego:
inic machiztilozque in Ixquichtin in Icnomacehualtzitzi-
tin; ca nel in Yehuantin occencayê otlaocoliloque,
oicneliloque.*

EGO JOANNES vidi sanctam civitatem Jerusalem novam, des-
cendentem de cœlo. . . Ecce tabernaculum Dei cum hominibus, & ha-
bitabit cum eis. Et ipsi populus ejus erunt: et ipse Deus cum eis erit
eorum Deus. Ap. 21. v. 2. & 3.

O Caquiztic (rezonó) quemmanian in ompa in Ilhuicac,
in Dios Itlaneltocacarzitziñhuanê, in Amotzopelica-
ichpochnantzin, Santa MARIA in Itlazomahuizpil-
huantzitiñê, (hijos amados de vrâ dulce Madre y Virgen) in Ixo-
coyotzitiñhuanê; (sus Benjamines, ò hijos los mas pequeños)
Oca-

12109-2

BAG 49
L 3472

